

太上玄靈北斗本命長生妙經

開經無上妙品靈章

稽首太上尊 歸命禮北辰 仰啓二尊帝

朝現七元君 經始蜀都出 道為天人根

消災解危厄 保命守玄真 南陵三千使

北斗七十神 俱來衛法座 同人清淨門

臣今至心誦 道悉自然存

太上老君在永壽元年正月七日下午蜀都

授與天師張道陵北斗延生妙經未悉其章

復授長生妙訣

太上曰天一生水自北方故紫微之垣高

崇北辰北辰之宿列為七元首引會辰尾明

破曜中立文曲以為天地之樞軸是以北斗

司生司殺養物濟人之都會也凡諸有情之

人既稟天地之氣陰陽之令為男為女可壽

可夭皆出其北斗之政命也今見衆生無門

進修真之路無誠向禮斗之科我故哀憫大

闡玄靈法當誦聽廣布流行使人入皆躋仙

作不蹈輪迴天師再拜喜躍無任

太上曰

北斗之尊 衆宿停輪 運天轉地 去穢除氛

春秋冬夏 生物生人 東南西北 立紀立闡

號曰九皇 北極真君 三台華蓋 司人精魂

七元政令 結人元神 故名本命 始出玄文

衆生釋難 道合乾坤 時時朝禮 身命常存

太上說是王青十方諸天心如水換一時歡

喜今日欣遇無上法橋天師騰行近

玉座而說偈曰

天地生元氣 靈光聚北辰 紫微開帝座

玄闢列真君 消釋諸凶厄 生成萬類人

大哉文曲宿 幹運道如春

大師說偈都竟仙班回部聖駕復天稽首玄

宮衆生受慶也

太上玄靈北斗本命長生妙經

讚詠圓滿靈咒

大哉北極 生物無息 樞機運動 乾坤定立

太上垂教 衆生躋植 消災解難 神目電及

臣今齋沐 上帝可格 克終克始 保家保國

誦誦道言 作是惟一 此經難遇 劫數萬億

既遇之者 請必有得 仁仁元靈 證明功德